

**Senad Šepić** je, također, u okviru komentara na dobivene odgovore, Vijeću ministara BiH uputio sljedeću inicijativu: „Želim ponovo uputiti inicijativu Vijeću ministara BiH da nam pripremi i hitno dostavi ovdje u Parlamentarnu skupštinu BiH informaciju o evropskom putu i poziciji naše zemlje u procesu približavanja EU. Ja ću ovaj put to proširiti i na NATO.“

Poslanik Šepić izrazio je nezadovoljstvo zbog kašnjenja u razmatranju njegove inicijative, podnesene 5.10.2012., koja glasi: „***Predstavnički dom PSBiH obavezuje Vijeće ministara BiH da iz sredstava tekuće rezerve i iz drugih grantova predviđenih za finansiranje institucija kulture od značaja za BiH osigura iznos na nivou iz 2010. godine za rad ovih institucija.***“ U vezi s tim, Kolegiju Predstavničkog doma uputio je sljedeće pitanje: „Podnio sam inicijativu za finansiranje institucija kulture od značaja za BiH, s posebnim akcentom na Zemaljski muzej. Nakon što je nadležna komisija uputila i zatražila dodatno mišljenje od Vijeća ministara BiH, ta je inicijativa negdje nestala. Ja ovim putem ponovo obnavljam pitanje i inicijativu prema Kolegiju Doma. Dakle, pitam – šta je s ovom inicijativom i apeliram na hitnost njenog razmatranja, ponovo potcrtavajući značaj i poziciju u kojoj se nalaze institucije kulture. Evo ponavljam, s posebnim akcentom na Zemaljski muzej BiH.“